

समां - 12:25 hrs.

<><><><><><><><><><><><>

LG- Univ Meet

लैफ्टिनेंट गवर्नर मनोज सिन्हा होल्डिंग्स कल लोक भवन च जम्मू दी कलस्टर युनिवर्सिटी काउंसल दी वीस बैठक दी प्रधानता कीती। इस मौके पर नमियें काहड्डे-रोज़गार ते उद्यम-कारखानादारी पर ज़ोर पांटे होई एल.जी. होरें उच्च शिक्षा गी इलाकाई ते राश्ट्री स्तर दियें जरूरतें मूजब बनाने लेई आखेया। बैठक दौरान काउंसल नै राश्ट्री शिक्षा नीति दे तैहत महत्वपूर्ण सुधारें गी मंजूरी दिती- जिंदे च चंऊ बरे आले संगठित अध्यापक शिक्षण प्रोग्राम, एम.ए. एजुकेशन- परफार्मिक आर्ट्स च मास्टर्स-. पी.जी. जियोग्राफी ते पोस्ट ग्रेजुएट स्तर पर साईबर सुरक्षा जनेह नमें प्रोग्रामें गी मंजूरी देना शामिल ऐ। एल.जी. होरें अगले बरे जून महीने तोड़ी e-office प्रणाली गी लागू करने ते हर 6एं-6एं महीने युनिवर्सिटी काउंसल दी बैठक लाने दा निर्देश बी जारी कीता।

<><><><><><><><><><><><>

Tax Year Ending Reform

2025 भारत लेई इक बड़ा गै महत्वपूर्ण रेहा- कीजे इस बरे दौरान देसै बड़डा सोचने-तेजिया कन्नै अगड़े बधने ते बड़डे पैमाने पर सुधार करने दा फैसला लैता। प्रधानमंत्री मोदी हुं'दे नेतृत्व च भारत नै पराने कन्नै गी हटाइयै- टैक्स बवस्था गी मता सैहल ते सखल्ला बनाया। उद्योगें-कारखानें ते उद्यमें लेई नमें मौके पैदा कीते ते शासन गी आत्मविश्वास भरोचे राश्ट्र दियें आसैं-मेदें गी किट्ठे जोड़ियै कैंई फैसलाकुन मोड़ पर लेई आंदा। 2025 गी जेकर सुधारें दा बरा आखेया जा- तां'दना बी गलत नैई होग- कीजे इस बरे भारत दे आर्थिक-दर्शनशास्त्र च साफ-स्पष्टता कन्नै पैमाने ते कुल संसारिक तांहगे गी पूरा करने बक्खी बड़डे बदलाव दिक्खे गे- जिंदे च श्रम सुधार- जी.एस.टी सुधार आयकरदाता सुधार- एफ.डी.आई सुधार- शिक्षा सुधार- परमाणु ऊर्जा सुधार- प्रमुख न।

इन्नें सुधारें दा असर औंदे किश बरे दौरान साफ लब्बना शुरू होई जाहग ते 2047 तगर विकसित भारत दे सुखने गी मूर्त रूप देने च बी एह काफी हदद तगर मददगार साबत होग।



Katra Rush

श्री माता वैष्णो देवी तीर्थ स्थान पर इन्नें दिनें श्रद्धालुएं दे ब्रे भारी रश दे चलदे कटरा च बपारिक गतिविधियें च बड़ा मता बाददा दर्ज कीता जा रदा ऐ। श्रद्धालुएं दी भारी आमद दे चलदे ट्रांसपोर्टरें ते होर दुइयां सेवां प्रदान करने आलें गी बड़ा फायदा हासल होआ करदा ऐ। बपारियें दा आखना ऐ जे एहदे कन्नें रोजगार दे होर मौके पैदा होआ करदे न।



Horticulture Ramban

रामबन दे बागवानी ते योजना मैहकमे आसेया जिले दी राजगढ़ थाहर इक जागरूकता कार्यक्रम दा आयोजन कीता गया- जेहदे च करसाने-आप-सहायता समूहें- करसान उत्पादक संगठनें ते नौजवानें गी कृषि ते सरबंघत सैक्टरें लेई बक्ख-बक्ख सरकारी स्कीमें बारे जानकारी दिती गेई। इस कार्यक्रम च समग्र कृषि विकास कार्यक्रम सनें चीजें गी डब्बा बंद करने सरबंघी बक्ख-बक्ख फ्लैगशिप स्कीमें पर ध्यान केन्द्रित कीता गया। अधिकारियें दा आखना ऐ जे इस चाली दे कार्यक्रम बक्ख-बक्ख स्कीमें दे फायदें बारे लोकें गी जागरूक करने दा सब्बनें शा बेहतर तरीका ऐ।



Roll Ball C'ship

17मीं जूनियर रोल बॉल राष्ट्रीय चैम्पियनशीप अज्ज थमां जम्मू दे एम.ए. स्टेडियम च शुरू होआ'रदी ऐ ते एह पहली जनवरी 2026 तगर चलोग। एहदे च 26 राज्यें ते केन्द्र शासित प्रदेशें दे तकरबीन 600 खडारी ते अधिकारी हिस्सा लेंगन। राष्ट्रीय स्तर दे इस आयोजन कन्नें नौजवानें च रोल बॉल गी बढ़ावा थहोग। आयोजकें दस्सेया ऐ जे एह चैम्पियनशीप बड़्डे खेड्ड आयोजनें दे केन्द्र दे तौर पर जम्मू दी बधदी छवि गी दर्शादी ऐ।



Weather

मौसम विभाग नै जम्मू-कश्मीर च कल्लै तगर अद्दे-दुब्बे तौरा पर बद्दल छाए दे रौहने दी पेशगोई कीती ऐ। 30 दिसम्बर गी किश थ्हारें पर हौली बरखा ते बर्फबारी होने दी मेद ऐ- 31 दिसम्बर ते पैहली जनवरी गी बी केंई सारी थाहरें पर हौली बरखा ते खास करी उत्तरी ते मध्य कश्मीर दी उच्चिएं धारें पर बर्फबारी होने दे आसार न। जम्मू खिते दे मैदानी इलाके च घनी थमां दरम्याने दर्जे दी धुंध पौने दी बी खबर ऐ। तांई जम्मू दे मैदानी इलाकें च अज्ज बड्डलै धुंध छाई दी ही- जेदे करी दूर तगर दिक्खने च मुश्कल पेश आवा'रदी ही ते औने-जाने आलें लोकें गी मुश्कल पेश आवा'रदी ऐ।

